



Reykjavík, 18. október 2024

Umsögn um fjárlög ársins 2025 frá Kraftlyftingarsambandi Íslands

Kraftlyftingarsamband Íslands (KRAFT) er sérsamband innan vébanda ÍSÍ. KRAFT vill koma eftirfarandi sjónarmiðum á framfæri vegna fjárlaga ársins 2025.

Afreksstarf í íþróttum á Íslandi, til framtíðar

Unnið hefur verið að bættari umgjörð afreksíþróttanna á Íslandi í tvö ár og gríðarmikið starf liggur að baki þeirrar vinnu. Starfshópur á vegum mennta- og barnamálaráðuneytis var skipaður í janúar 2023 um stöðu og réttindi afreksíþróttafólks og skilaði hópurinn skýrslu í apríl 2024 þar sem staðan í málaflokknum var skýrð og margar tillögur voru settar fram um aðgerðir til að efla og styrkja afreksíþróttastarfið í landinu. Miklar væntingar eru af hálfu íþróttahreyfingarinnar um framgang þessara tillagna enda um umbyltingu að ræða í umgjörð afreksíþróttafólks á Íslandi. Markmiðið með þessari vinnu er að gera umgjörð um íslenskt afreksíþróttafólk sem næst sambærilega við það sem er hjá þjóðum sem viðberum okkur helst saman við. Tillögurnar fela meðal annars í sér:

- Stofnun Afreksíþróttamiðstöðvar Íslands. Mikilvægt hlutverk hennar er að styrkja sérsambönd og íþróttafélög að sinna sínu afreksstarfi. Einnig að bæta umhverfi og efla starfsumhverfi íþróttabjálfarans, með því að efla menntun, þekkingu og hæfni þeirra. Þar mun starfa öflugt fagteymi sérfræðinga og ráðgjafa frá átta ólíkum fagsviðum íþróttanna.
- Hækkun framlags til Afrekssjóðs ÍSÍ.
- Stofnun launasjóðs afreksíþróttafólks og þjálfara til að styðja viðafreksíþróttafólkið og tryggja þeim vinnumarkaðstengd réttindi.
- Aukið fjármagn til íþróttahreyfingarinnar til að lágmarka kostnaðarpáttöku iðkenda í landsliðsstarfi. Háar greiðslur foreldra vegna páttöku barna og unglinga í landsliðsverkefnum eru til þess fallnar mismuna einstaklingum eftir fjárhag foreldra.
- Aukið fjármagn til ferðasjóðs íþróttafélaga til að koma til móts við aukinn ferðakostnað einstaklinga og félaga af landsbyggðinni.
- Hækkun fjárframlags til reksturs sérsambanda.
- Hvatakerfi sem hefur það að markmiðið að efla og styrkja afrekssvið framhaldsskólanna.
- Efling samvinnu og tengsla Afrekssmiðstöðvar við grunnskólastigið og þjálfun ungmenna í íþróttafélögunum, auk foreldrafræðslu.
- Aðgerðir til að hlúa að efnilegu íþróttafólki og draga úr brotthvarfi unglinga úr íþróttum.

Mikil vinna hefur verið lögð í að kynna tillögur starfshópsins fyrir öllum þingflokkum og að störfum er þverpólitísk þingmannanefnd sem unnið hefur að málinu.

Gríðarlega mikilvægt er að halda takti í þessari vinnu svo hægt verði að ná þeim árangri sem stefnt hefur verið að enda hefur mikil orka og tími farið í undirbúning þess og úrvinnslu.



Krafa er gerð um að íþróttahreyfingin fái þann stuðning sem rætt hefur verið um til að hægt verði að tryggja faglegt og gott afreksíþróttastarf í landinu. Til þess þarf stórukið fjármagn til málaflokksins eins og kynnt hefur verið.

Það væri mikill skaði fyrir hreyfinguna ef tímabundið ástand á Alþingi leiddi til þess að þessi áform verði að engu.

Vert er að minna á að í núverandi stjórnarsáttmála kemur fram að unnið verði með félagasamtökum að því að efla umgjörð um afreksstarf íþróttafólks. Þá kemur fram í fjármálaáætlun 2025 -2029 að meginmarkmið stjórnvalda á sviði íþróttá- og æskulýðsstarfs er að auka gæði og styrkja faglega umgjörð um skipulagt íþróttá- og æskulýðsstarf.

Mikil fjölgun iðkenda innan KRAFT á síðustu árum er fagnaðarefni en að sama skapi hefur allur kostnaður stórukist, t.d. launakostnaður, ferðakostnaður, uppihald o.s.frv. Framlög frá Afrekssjóði hafa staðið í stað mörg undanfarin ár og þannig lækkað mjög að raunvirði. Mjög þunglega gengur að fá styrki frá atvinnulífinu og því höfum við í miklum mæli þurft að stóla fjármögnun þátttakenda sjálfra og fjölskyldna þeirra í ýmsum kostnaði við íþróttáástundun og þátttöku í afreksstarfi.

Að lokum leggur KRAFT áherslu á að framgangur afreksstarfs í íþróttum verður að vera þverpólitískt mál og hafið yfir sveiflur líðandi stundar í stjórnámálum. Mikilvægt er að sú góða vinna sem unnin hefur verið við stefnumótun og undirbúning að innleiðingu nýrrar stefnu í afreksmálum haldi áfram og að stefnan komist til framkvæmdar. Fjárfesting í íþróttum og afreksstarfi skilar sér margfalt til baka til samfélagsins.

Fyrir hönd KRAFT,

Hinrik Pálsson

Hinrik Pálsson, formaður

Sent til Alþingis á netfangið umsagnir@althingi.is

Afrit sent:

Formaður fjárlaganefndar

Njáll Trausti Friðbertsson

ntf@althingi.is

Varaformaður fjárlaganefndar

Stefán Vagn Stefánsson

stefan.vagn.stefansson@althingi.is

Forsætisráðuneyti

for@for.is

Fjármálaráðuneyti

fjr@fjr.is

Mennta- og barnamálaráðuneyti

mrn@mrn.is